



Universitätsbibliothek Paderborn

Instructio practica ...

De Munere Concionandi, Exhortandi, Catechizandi - Continens non tantùm praecepta ad artem concionandi discendam accomodata, sed etiam Ideas & Conceptus practicos pro Concionibus in Festis B. V. & SS. Dedicationis, Patrocinij, Novi Anni, Paschatis, Parasceves; item in Primitiis Sacerdotum,

...

Lohner, Tobias

Dilingæ, 1679

Fons III. Ex motivis succurrendi.

[urn:nbn:de:hbz:466:1-48347](https://nbn-resolving.org/urn:nbn:de:hbz:466:1-48347)

la morte defunctum, qui libenter opera charitatis exercuit, eo quod multos habeat intercessores, impossibile autem sit, multorum preces non audiri, ut merito Tobias c. 4. hanc specialiter filio suo commendavit, dicens: *Quantum poteris, esto misericors: Præmium enim bonum thesaurizas in die necessitatis; quoniam Eleemosyna ab omni peccato, & à morte liberat, & non patietur ire animam in tenebras; fiducia magna erit coram summo DEO Eleemosyna omnibus facientibus eam.* Itaque potest ostendi, quàm liberaliter & constanter hanc virtutem exercuerit Defunctus. Quàmque adeò meritò sperari de eo possit, quòd non iverit in tenebras, sed bonam mensuram, coagitatam, confertam & superfluentem, qualem aliis dedit, etiam ipse iterum in sinum suum acceperit.

Nota, simili modo etiam aliæ Beatitudines pro themate assumi, & defuncto applicari possunt, dicique, virtutem talem in themate contentam datam esse à DEO quasi Chirographum, quo ipsum de beatitudine obtinendâ asscurârit.

FONS III.

Ex Motivis succurrendi.

Etiam iste Fons copiosissimam affert materiam pro funebribus Exhortationibus. Tot enim Conceptus ex eo erui possunt, quot titulos in animabus est reperire, quæ ad misericordiam ipsis exhibendam incitare possunt, qui quidem Tituli plurimi sunt, ut mox apparebit.

Itaque I. Ex occasione thematis: *Estote misericordes, sicut Pater vester cælestis misericors est*, Luc. 6. ostendi potest primò, quàm grata sit misericordia æterno Patri, ita ut Christus hujus exercitium specialiter commendavit, & Ecclesia dixerit, illi proprium esse misereri & parcere, quàmque adeò gratior multò illi futura sit misericordia, quæ filiis ejus in igne purgatorii gravissimè excruciat, præstabitur; Quis enim non credat, gratissimum obsequium Regi alicui præstiturum eum, qui Filium ejus dilectissimum in sævissima Turcæ captivitate detentum, crudelissimèque cruciatum suis sumptibus eriperet, Patrique suo restitueret? Cùm ergo Pater æternus suos Filios infinities magis diligat, quàm pater corporalis. An non meritò quoque creditur incomparabiliter gratius obsequium

quum illi præstitum iri ab eo, qui ex captivitate longè graviore Filios illius eripere studuerit? 2. Quantopere defunctus conatus sit esse verus Filius æterni Patris, servando mandata, tribuendo debitum cultum, & suos Fratres propter Patrem diligendo, etiam inimicos juxta illud Math. 5. *Diligite inimicos vestros, & bene facite his, qui oderunt vos, & orate pro persequentibus & calumniantibus vos, ut sitis filii Patris vestri, qui in caelis est.*

II. Ex occasione thematis: *Quod fecistis uni ex minimis meis, mihi fecistis.* Math. 25. ostendi potest primò, quam gratum sit obsequium futurum Christo, si animam in purgatorio detentam quis liberet. Certè S. Gertrudi quondam dixit: Qui pro peccatoribus & Animabus purgantibus devotè oraverit, hoc tam diligenter acceptabo, ac si ad me incarnatum crebriùs invisendo, blandis consolationibus suis desolationem meam sublevasset, ut legitur Insinuat. l. 4. cap. 11. imò tam gratum, ac si me ipsum toties pro pretio à captivitate liberasset; & hoc ipsis indubitanter restituiam in tempore opportuno secundum omnipotentiam meam liberalissimè pietatis, lib. 5. cap. 21. Inferatur ex hoc, quanta ex una parte ingratitudo sit futura, si quis Christo hoc obsequium tam facile præstabile ausit negare; & quantam ex altera parte spem concipere possit purgatorium evadendi, si priùs illum toties eripere studuerit.

III. Ex occasione thematis: *Ad te suspiramus gementes & flentes in hac lachrymarum valle:* ostendatur primò, quam B. Virgo specialis sit Advocata purgantium animarum. Nam ipsa S. Brigittæ lib. 6. revel. dixit, nullam esse pœnam in purgatorio, quàm non propter illam remissior fiat, & levior ad ferendum, quàm aliàs fuisset. S. Roboaldo Dominicano quodque Sacrificium pro defuncto ex familia offerenti animam in ulnis portans apparuit, & dixit: Vide Amicum, pro quo Sacrificium Missæ offers, uti l. 2. hist. Dominic. c. 14. scribitur. Imò cuidam S. Personæ revelatum est, eam aliquoties per annum descendere in purgatorium, & innumeras Animas liberare. 2. Ostendatur, cum clamor defuncti ad B. V. modò parùm proficiuus sit, quàm conveniens sit, ut nos nuncius loco clamemus: *Ad te suspiramus gementes & flentes in hac lachrymarum valle. Eia ergo Advocata nostra, illos tuos misere-*

rotas oculos ad nos converte, & IESVM benedictum fructum ventris tui nobis post hoc exilium ostende. Quàm libenter B. V. has preces exauditura sit, cum tantopere defunctus eandem dilexerit, & venerari studuerit.

IV. Ex occasione thematis: *Merito hac patimur, quia peccavimus in Fratrem nostrum, videntes angustiam animæ illius, dum deprecaretur nos, & non audivimus, idcirco venit super nos tribulatio.* Gen. 42. ostendi potest primò, quàm crudele fuerit facinus Fratrum Joseph, dum in cisterna clamantem Fratrem non audierunt; quantòque crudelius sit futurum, si Fratrem nostrum spiritualem ex eodem Christi sanguine natum, non in cisterna, sed in purgatorio inter tormenta patiamur clamare, nec exaudiamus; quam quidem immiseri cordiam patheticè S. Augustinus Serm. ad FF. in Eremito describit, dum ait: *Cadit Asinus, & omnes eum sublevare solliciti: Clamat porcus, & cum eo ceteri clamare non cessant; Clamat inter tormenta Fidelis, & non est, qui exaudiat. Ecce vestra inhumanitas!* 2. Ostendi potest, quomodo illum excutere possint AA. scilicet funiculum charitatis fraternæ eidem porrigendo, non verbo tantum & linguâ, sed opere & veritate demonstratæ.

V. Ex occasione thematis: *Multi unum corpus sumus in Christo, singuli autem alter alterius membra.* Rom. 12. ostendi potest, quomodo quotidiana experientia testetur, quòd, ut S. Paulus 1. Cor. 12. dicit: *Si quid patitur, unum membrum, compatiuntur omnia membra;* quàm celeriter, si sinistram manum, vel aliud membrum ignis vel scintilla corripuit, dextra manus subveniat, & ignem remove studeat. 2. Potest inferri, quantò æquius sit, ut, cum omnes homines, & Christiani præcipuè sint membra ejusdem corporis, & quidem incomparabiliter præstantioris, mutuam sibi auxilium præstent, ignemque sævissimum purgatorii, si fortè is membrum aliquod corripuit, dispellere studeant, simulque unum alterumve medium suggeratur, ad ignem hunc extinguendum. Excitentur proinde Auditores, ad eam Charitatem etiam defuncto tantò copiosius præstandam, quantò arctius iisdem per effectum Charitatis & Concordiæ in vita conjunctus esse studeat.

VI. Ex occasione thematis: *Miseremini mei, miseremini mei*

E c 4

mei

mei, saltem vos Amici mei, quia manus Domini tetigit me. Job. 19. Potest ostendi primò, quàm graves sint pœnz purgatorii, quod scilicet juxta S. Thomam minima pœna illius excedat maximam hujus vitæ; imò ut V. Beda loquitur, gravius sit purgatorii correctio, quàm quidquid passi sunt Latrones, vel SS. Martyres, vel quidquid gravius Homo excogitare potest. 2. Ostendi potest, quàm æquum sit, ut Auditores, qui ratione naturæ, religionis, & aliorum titulorum merito Amici dici possunt, opem ferant, quam nec cani, nec feli in ignem fortè cadenti negarent; uti præclare S. Augustinus indicavit, dum dixit: *Cadit Asinus, & omnes eum sublevari festinant; clamat porcus, & ceteri cum eo clamare non cessant; clamat inter tormenta Fidelis, & non est, qui adjuvet, ecce vestra inhumanitas!*

VII. Ex occasione thematis: *& vos omnes, qui transitis per viam attendite, & videte, si est dolor, sicut dolor meus. Thren. 3.* ostendi potest primò, quàm verè dicere possint Animæ purgatorii, non esse dolorem suo similem; Id quod facile probari potest, tum testimonio Doctorum, & SS. Patrum; tum etiam testimonio illius Monachi, qui, cum in mortis excessu vidisset tormenta purgatorii, reversus ad se dixit: Nulla hominis lingua exprimere, nulla æstimatione concipere potest varietatem, multiplicitem, & gravitatem suppliciorum, quibus me aspiciente purgandi subdebantur; Testis mihi est DEUS, quia si quis me & cunctos amicos meos accessisset omnibus injuriis & pœnis, quæ possunt homini in hac vita irrogari, vel etiam occidisset, & viderem illum deponi tormentis à me conspectis, ego millies, si fieri posset mortem pro ejus ereptione subire paratus essem, adeò pœnz illæ, quæ in purgatorio vidi, excedunt mensuram & modum cujusvis doloris, angustiae, amaritudinis, ac miseriæ hujus vitæ; verumtamen, qui ibi dirè admodum cruciantur, paulatim ad tolerabiliora transeunt. Ita Ludovicus Blosius in Monach. c. 12. 2. Ostendi potest, quòd illi, qui transeunt per viam sint mortales hujus vitæ; Ipsi enim propriè adhuc sunt Viatores. Ad hos nunc meritò clamant Animæ, rogantque ut ad gravitatem pœnarum oculos animùmque reflectentes, misericordiæ affectum concitare studeant. Hic enim propriè locum habet illud S. Davidis Ps. 38. *In meditatione mea*

ardescet ignis, charitatis scilicet ad misericordiam impel-
lens.

VIII. Ex occasione thematis: *Heu mihi, quia incolatus meus prolongatus est*! Ps. 119. ostendi potest primò, quàm gravis efficiatur poena purgatorii ex temporis diuturnitate, & desiderio videndi DEUM. Potest hoc desiderium firi comparari, quæ meritò excedit omnia tormenta, uti dives Epulo visitatus est, dum de hac sola quæstus est: Potest cum in finem Exemplum afferri ægri illius, qui optione facta per Angelum, maluit tribus horis in purgatorio, quàm tribus annis in lecto manere, sed horâ vix elapsâ ab Angelo visitatus, cum vix horam se insumpsisse in purgatorio audivisset (licet ipse se multis annis ibi fuisse putârit) mutari petijt pœnam; affirmavitque, se libentiùs trecentos annos in morbis, quàm in Purgatorii pœnis horam consumere velle: uti in Spec. Exempl. V. Infirmitas. ex. 7. legitur. 2. Ostendi potest, quomodo, cum defunctus tantâ sit cruciatus pœnâ, petat ab Auditoribus, ut extremum digiti intingant in aquam, id est, saltem pauculas preces & opera pro ipso offerant, sicque pœnas illius relevent; quàm autem durum sit, tam leve obsequium dene-
gare.

IX. Ex occasione thematis: *Sitivit Anima mea ad DEUM fortem vivum, quando veniam, & apparebo ante faciem DEI* Ps. 41. ostendi potest, quàm gravem pœnâ sentiant animæ purgantes ex dilatione beatitudinis, ita ut meritò dicere queant cum David Ps. 41. *Fuerunt mihi lachryma mea panis die ac nocte, dum dicitur mihi quotidie, ubi est DEVS tuus?* Si enim Joannes Sancius Sacerdos è Soc. JESU adhuc in hac vita existens tanto ferebatur desiderio in DEUM, ut passus fuerit, si certò sciret, se aliquo die non moriturum, hanc scienciam sibi sufficientem fore ad vitam præ languore eripendam; quantum dolorem & languorem credi par est, animas purgatorii sensuras, quæ haud dubiè desiderio incomparabiliter majore feruntur in DEUM extra, quàm intra corpus. Inferatur proinde, quàm æquum sit, ut, cum defunctus adhuc in hac vita existens desideria suorum amicorum cum tanto labore impleverit, nunc & ipsi vicissim ipsius appetitum tantò citiùs perfectiùsque satiare studeant, quantò leviori labore ad hunc finem est opus.

Ec 5

X. Ex

X. Ex occasione thematis: *Qui pronus est ad misericordiam, benedicetur, de panibus enim suis dedit pauperi.* Prov. 12. ostendi potest, commune esse proverbium Germanorum: *Nirgen gehen verfaumet nicht / vngerecht. Gut bereicht nicht / Alldir geben erarmet nicht.* Hinc Salomon Prov. 12. dixit: *Alii vident propria, & ditiores fiunt; alii rapiunt non sua, & semper in egestate sunt. Qui dat pauperi, non indigebit.* Id suo Exemplo testatus est Erdicius civis Romanus, qui, cum famis tempore quadringentos mendicos nutrivisset, & fame cellante omnes curribus in patriam revedi iussisset, audivit à DEO: Erdici, ex hac die non deficiet tibi & semini tuo panis in æternum. Spec. Exempl. dist. 9. ex. 130. unde inferri potest multò magis hanc benedictionem sperari posse ab iis, qui misericordiam erga purgantes animas præstiterint, suisque operibus effecerint, ut ab Angelis in caelestem patriam deportarentur. Quare adhortandi Auditores, ut, quandoquidem tam præclaram habeant occasionem, similem misericordiam erga defunctum exercendi, eam non negligant, sed certò sibi persuadeant, Defunctum non modò spiritualia, sed etiam temporalia bona illorum de cælo plus deinceps precibus suis promoturum, quàm in terris vivus fecerat.

XI. Ex occasione thematis: *Facite vobis amicos de Mammona iniquitatis, ut, cum defeceritis, recipiant vos in æterna tabernacula.* Luc. 6. Dicit potest, nunquam nos magis necessarios habere Patronos, quàm in hora mortis & iudicii, quia ibi agitur de æterna felicitate vel acquirenda, vel amittenda. 2. Probari potest, non esse fidiore amicos, quàm de animas è purgatorio liberatas, ut quæ agnoscant magnitudinem collati beneficii, nec destitutæ sint, donec etiam liberatorem suum eò perducant. Hinc aliquando è somno aliquem excitârunt, monueruntque, ut citò confiteretur, qui post confessionem subita morte mortuus est. Sed & de alio scribit P. Stephanus Binellus in lib. de statu anim. cap. 1. Quòd, cum in agone multùm angustia retur ob timorem iudicii, subito aër se aperuerit, & decem millia candidissimorum Equitum ad ipsum descenderint, dixerintque: Bono animo esto, vir bone; Nam ad te venimus, ut in hoc ultimo & periculo certamine tibi assistamus, cumque illæ præ gaudio in lacrymas resolutus quæreret, quando tam insperatam gratiam fuisset.

fuisse promeritus? Responderunt illi, se esse animas ipsius precibus & auxilio redemptas, atque adeo acceptum beneficium nunc compensare velle. Itaque excitari possunt Auditores, ad ipsum etiam defunctum sibi amicum faciendum, ut eum suo tempore consolatorem habere possint.

XII. Ex occasione thematis: *Quâ mensurâ mensi fuerimus, eadem remetietur vobis.* Luc. 6. Dicit potest, solere nonnunquam ab aliquibus curiosam hanc quæstionem moveri; quodnam tandem sit hospitium in universo orbe, in quod maxima Pars Viatorum ad tempus diverti solet? Et post varias responsiones & divinationes tandem optima censetur resolutio, quæ dicit, illud esse purgatorium: Et si enim major pars hominum, ut plerique Auctores censent, in infernum detrahetur, hic tamen non ad tempus tantum habitant, atque adeo carcer potius perpetuus dici meretur; At in purgatorio plerique ex Electis ad tempus divertunt, ut purgentur; Quemadmodum tum ex Severitate justitiæ divinæ; tum ex variis Historiis constat. Cum ergo, ut sæpius ostensum est, Purgatorium ob multitudinem & Gravitationem pænarum acerbissimum sit, meritò quivis prudens, & salutis suæ amans mature sibi de tali remedio prospicit, quod efficacissimum sit, ad se à tali pœna liberandum; tale autem medium ab Ascetis reputatur misericordia defunctis præstita; Cum enim ex parte Christi: Quod uni ex minimis suis præstatur, sibi præstitum censeat; Ex altera verò parte promiserit, quod, quâ mensurâ mensi fuerimus, eadem nobis remetiendum sit, merito, qui animas sæpius, & in his etiam Christum ex purgatorio liberavit, sperare poterit, similem se charitatis menuram olim accepturum, & aut omninò à purgatorio liberatum iri, aut certè non diu ibi mansurum id quod varijs Historiis confirmari potest. Horretur proin Exhortator Auditores, ut præsentem occasionem defuncto succurrendi tantò promptius arripiant, quantò magis ille propter varios titulos (quos commemorare potest & laudare.) Sed præcipuè propter virtutem suam, tale Charitatis officium est promeritus.

XIII. Ex occasione Thematis: *Date & dabitur: menuram bonam, confertam, coagitatam, & super effluentem dabunt vobis.* Luc. 6. Dicit potest, multa quidem esse merita, quibus infinita DEI in homines liberalitas provocari possit;

possit; Sed nullum perinde ad hunc finem utile, efficaxque esse ac misericordiam. Cū enim DEUS ex una parte irradiator honoris sui, propriūque illi sit misereri, & parere, nunquā patietur, ut ab homine in liberalitate vincatur, sed potius, ut divitiarum suarum & liberalitatis infinitam abundantiam ostendat, centuplum pro simplici beneficio compensat. Hinc nil adeo S. Scriptura, quā misericordiam commendat. Hinc Mich. c. 6. dicitur: *Indicabo tibi, & homo, quid sit bonum* (præ reliquis intellige) *& quid Dominus* (specialiter) *requirat à te, utique facere iudicium & misericordiam.* Hinc Christus misericordiam Patris cælestis docebat, & nullam aliam virtutem specialem imitandam proponit, dicens Luc. 6. *Estote misericordes, sicut Pater vester misericors est.* Quod si autem hæc de quavis misericordia recte dicuntur, principaliter tamen locum habent in misericordia defunctis præstita, uti ex tribus conditionibus intelligitur, quibus plerumque magnitudo & præstantia misericordiarum estimatur; nimirum primò ex *qualitate personæ*, cui datur; quò enim hæc miserior est & dignior, & quò minùs se iuvare potest, tantò major est Elemosyna; atqui constat, nullam misericordiam cum tormentis purgantium animarum comparari posse. Constat item nullum eis competere remedium ad liberandas: Constat, esse justissimas, Deoque gratissimas, quæ ita dignas tali favore. 2. *Ex qualitate Elemosynæ, seu rei, quæ datur;* quò enim hæc abundantior est, & ad misericordiam tollendam aptior, tantò præstantior est misericordia; atqui auxilium defunctis præstitum amplissimum est, utpote quòd omnia misericordiæ corporalis opera eminentiori longe modo comprehendit, qui enim v.g. Sacrificium missæ vel Communionem pro iis offert, pascit eas SS. Christi corpus potat S. Sanguine, & nectare cælesti; facit cooperiri nobili veste Gloriæ; non tantum visitat ægros seu afflictos, sed etiam efficaciter à malis liberat: redimit Captivas ex verissimo carcere: facit Peregrinos recipi in cælestem Patriam: Et effectum, qui per Sepulturam potissimum intenditur, scilicet auxilium Spirituale abundanter communicatur, 3. *Ex qualitate affectus*, cum quo datur; Quis autem maior affectus esse potest, quā illius, qui se ipsum fructu satisfactionis ad propria debita solvenda necessariò spoliatur, ut cum

animabus transcribat non sine periculo, easdem pœnas ex defectu solutionis incurrendi? An non hîc verè dicitur, maiorem charitatem neminem habere, quàm qui dat animam pro amico suo? facilis indè erit digressio ad opem pro defuncto petendam.

XIV. Ex occasione Thematis. *Noli timere; plures enim nobiscum sunt, quàm contra nos.* 4. Reg. cap. 6. Dicitur potest solere Reges & Principes semper secum corporis Custodes (Leibgarde) habere; idem autem cuiusvis hominî tantò magis procurandum esse, quantò pluribus ab hostibus non temporalem duntaxat, sed æternam mortem inferre molientibus oppugnatur; nullos autem meliores Custodes esse, quàm animas, quia hæ præ aliis volunt & possunt iuvare; volunt, quia beneficii accepti magnitudo eas urget. Possunt, quia committante misericordia quodvis auxilium à DEO facile impetrant. Hinc Eccl. 20. c. *Conclude Elemosynam in suum pauperis, & hac pro te exorabit, ab omni malo.* Si ergò Ludovicus Rex Galliarum propria manu Elemosynam pauperibus distribuit, dicens: hos esse optimos Custodes corporis, & Regni sui; Quid ni idem potiori jure erga animas defunctorum fiat? Afferatur subinde unum vel alterum exemplum, quo ostendatur, quàm fideliter succurrant, & ab hostibus defendant; v. g. Eusebij Ducis Siciliæ, quem contra otorgium 40000. redemptæ animæ in specie candidi Exercitus defenderunt; aut Militis, quem in Cæmeterio pro ipsius orare solitum, mortui è sepulchris prodeuntes contra inimicos sunt tutati, uti in Spec. Exempl. videre est. Applicatio, erit facilis ad defunctum. Præcipuè si ostendatur, ipsum in vita adhuc valdè sollicitè quævis mala à suis Domesticis aliisque addictis propulsasse.

XV. Ex occasione Thematis. *Date nobis de oleo vestro* Matth. 25. Dicitur potest animas defunctas aliqua ex parte posse comparari Virginibus fatuis, quæ non de sufficienti oleo sibi providerant; hinc exclusas ad tempus à cælestibus nuptiis non sine maximo suo dolore: Quia tamen paratus est adhuc sponsus eas admittere, ubi lampades sufficienter instructas habuerint, idè ad nos eas modò clamare: *Date nobis de oleo vestro.* Quandoquidem ergo nil nobis decederit, si oleum misericordiæ porrigamus; sed illæ certò gratiam &

occa-

occasionem comparandi novi olei nobis impetratur sunt, liberales esse nos oportet in oleo hoc offerendo; ad quod faciendum exhortandi erunt Auditores illam Tobia c. 4. sententiam usurpando: *Quantum potueris, esto misericors; Eusebyna enim à morte, & ab omni peccato liberat; & non patitur ire animam in tenebras.*

XVI. Ex occasione Thematis: *Est autem Ierosolym probatica piscina Jo. 5. ostendatur talem piscinam esse purgatorium, in qua jaceat multitudo magna languentium, aridorum, claudorum, cæcorum expectantium aquæ motum, id est, lachrymarum, quas viventes pro mortuis effundunt, effectum, sed hominem pro dolor, illas non habere, qui eas in has aquas demittat. Excitandi proin AA. ut ipsi Angeli vice fungantur & has aquas in corde suo moveant, simulque etiam defunctum in has aquas demittant, ut suo tempore, & ipsi similem vicissitudinem expectare possint.*

XVII. Ex occasione Thematis. *Collocavit DEVS noster Paradisum voluptatis Cherubin, & flammeum gladium atque versatilem ad custodiendam viam ligni vite. Gen. 3. Hic potest per hunc gladium flammeum, ut S. Bruno in Pl. 1. 1. interpretatur, meritò intelligi purgatorium, utpote per quod perinde arceantur Animæ à Paradiso cælesti, ac per flammeum illum gladium; versatilem verò dici, quia cum celeritate per eum fideles transibunt, & mediantibus viventium suffragiis citò liberabuntur. Exhortandi proinde Auditores, ut dicant cum Davide 2. Reg. c. 24. *vertatur obsecro manus tua contra me, offerantque holocausta & pacifica, ut propinetur DEUS, & plaga à defuncto avertatur.**

XVIII. Ex occasione Thematis: *Petrus versabatur in carcere, oratio autem fiebat sine intermissione, ab Ecclesia ad DEVM pro eo. Act. cap. 12. n. 5. dici potest idem contingere animabus purgantibus, ut quæ & ipsæ jussu supremi Regis includantur in carcere, & dentur quatuor quaternionibus militum id est, Diabolis custodiendi, & per portam ferream, id est, gravissimas pænas & Justitiam divinam cohibeantur, quominus liberè in cælum evolare possint! Quia tamen ab Ecclesia pro illis sine intermissione oratur, ideò mitti à DEO Angelum, qui dicat: *Surge velociter, circumda tibi vestimentum tuum, id est, Gloriæ divinæ, ducatque illas ad conspectum**

nam DEI per portam ferream ultrò apertam. Itaque cum
tueri possit, ne etiam defunctus in istum carcerem con-
iutus sit. Excitandi Auditores, ut sine intermissione pro illo
orant, ut sic & ipse per Angelum è carcere educatur.

XIX. Ex occasione Thematis. *Fer prandium quod
habes in Babilonem Danieli, qui est in lacu leonum.* Daniel. 14.
Dici potest purgatorium verè dici posse locum leonum, cò
quod animæ ibi sedeant inter cruciatus, & gravissima fame,
sua desiderio Beatitudinis vexentur, ac proinde Angelos suos
Custodes apprehendere nos in vertice, excitando nos ad mi-
sericordiam & suadendo, ut bona opera, quæ pro nobis ipsis
paraveramus, ipsis transcribamur & portemus. Quàm pro-
inde celeriter ac prompta mente descendere ad ipsas cum An-
gelis debeamus, & dicere: *Serve DEI, tolle prandium* (vel au-
xilium) *quod tibi misit DEVS.* Et respondebunt illæ haud
subito: *Recordatus es mei DEVS, & non dereliquisti diligentes*
me. Applicatio ad defunctum non erit difficilis.

XX. Ex occasione Thematis. *Tunc Nabuchodonosor
repletus est furore & præcepit, ut succenderetur ignis septuplum,*
quàm succendi consueverat Dan. 7. Dici potest, Regis nomine
accusato DEUM iratum intelligi; Fornacis autem nomine
purgatorium, quod, ut S. Bonav. Ser. 3. de mortuis ait, septu-
plum, id est, universaliter ac iùs urit, quàm aliquis ignis, vel
aliqua pæna præsentis vitæ; Per tres pueros autem DEVM
benedicentes rectè intelligi animas, ut quæ nil aliud in for-
nace illa faciunt, nisi DEUM benedicere; Quare nil aliud
superesse! quàm ut nunc aliquis veniat similis Filio DEI (id
est misericors, sicut Pater in cælis) & suo auxilio excutiat
flammam ignis de fornace, & faciat medium fornacis, quasi
ventum roris flantem; Ad quod proinde officium assumen-
dum erunt Auditores Excitandi.

FONS IV.

Ex Mediis.

EX hoc fonte plurimi etiam conceptus desumi possunt,
tot scilicet, quot media suppetunt ad animas liberandas,
etque vel ideo etiam aptior ad Exhortationes habendas, quia
medium per aptam aliquam similitudinem proponi & deduci
potest.